

Бекітілген
Адвокаттар алқаларының
Республикалық
конференциясымен
2018 жылғы 23 қарашада

Адвокатураның тәртіптік комиссиясы туралы
ЕРЕЖЕ

*(Республикалық адвокаттар алқасы Төралқасының 11.08.2021 ж.; 07.09.2021 ж. шешімдерімен бекітілген өзгерістер мен толықтырулармен;
06.10.2022 ж.)*

1-ТАРАУ. ЖАЛПЫ ЕРЕЖЕЛЕР

1. Осы Адвокатураның тәртіптік комиссиясы туралы ереже (бұдан әрі мәтін бойынша – Ереже) **2014 жылғы 26 қыркүйекте** адвокаттар алқалары делегаттарының екінші Республикалық конференциясы бекіткен адвокаттардың кәсіптік әдеп кодексінің талаптарын ескере отырып, 2018 жылғы 5 шілдедегі «Адвокаттық қызмет және заң көмегі туралы» Қазақстан Республикасының Заңы (бұдан әрі мәтін бойынша – **Заң**) негізінде бірыңғай тәртіптік практиканы қалыптастыру мақсатында әзірленді.

Ескерту. Республикалық адвокаттар алқасы төралқасының 06.10.2022 ж. шешімімен 1-тармаққа өзгерістер енгізілді.

2. Осы Ереже Адвокатураның тәртіптік комиссиясын құру және оның қызметінің тәртібін (бұдан әрі мәтін бойынша – Тәртіптік комиссия, Комиссия), адвокаттар алқаларының басқару органдарының мүшелерін, Республикалық адвокаттар алқасының басқару органдарының мүшелерін тәртіптік жауаптылыққа тарту рәсімін, тәртібі мен мерзімдерін, адвокаттардың тәртіптік комиссиясының шешімдеріне шағымдарды қарау тәртібін белгілейді.

3. Осы Ережені, оған өзгерістер мен толықтыруларды Республикалық адвокаттар алқасының төралқасы (бұдан әрі мәтін бойынша – Төралқа) бекітеді.

Ескерту. Республикалық адвокаттар алқасы төралқасының 06.10.2022 ж. шешімімен 3-тармаққа өзгерістер енгізілді.

2-ТАРАУ. АДВОКАТТАРДЫҢ ТӘРТІПТІК КОМИССИЯСЫ

4. Адвокатураның тәртіптік комиссиясы Республикалық адвокаттар алқасының (бұдан әрі мәтін бойынша – Республикалық алқа) Республикалық адвокаттар алқаларының конференциясы (бұдан әрі мәтін бойынша – Конференция) сайлайтын және оған есеп беретін тәуелсіз орган болып табылады.

5. Тәртіптік комиссия өз қызметінде Қазақстан Республикасының қолданыстағы заңнамасын, осы Ережені, Алқа Жарғысын, Конференциясының шешімдерін басшылыққа алады.

Комиссия қызметінің мақсаты адвокаттардың кәсіби нормаларды сақтауының құқықтық, ұйымдастырушылық және өзге де шарттарын қамтамасыз ету болып табылады.

Тәртіптік комиссияның негізгі міндеттері:

- тәртіптік іс жүргізудің заңдылығы, объективтілігі, толықтығы мен жан-жақтылығы қағидаттарын қамтамасыз ету, сондай-ақ олардың қатысушыларының құқықтарын сақтау;

- Кәсіби этика кодексінің заңдылықтары мен ережелерін бұзуға ықпал ететін себептер мен жағдайларды анықтау, талдау және жою.

Ескерту. Республикалық адвокаттар алқасы төралқасының 06.10.2022 ж. шешімімен 5-тармаққа өзгерістер енгізілді.

6. Тәртіптік комиссияның құрамына Алқаның ұсынуы бойынша кемінде бес жыл адвокаттық тәжірибесі бар алты адвокат, әділет органдары ұсынған жұртшылықтың үш өкілі, Алқаның төралқасы ұсынатын отставкадағы екі судья кіреді.

7. Адвокат Тәртіптік комиссияның төрағасы болып табылады.

8. Тәртіптік комиссияның өкілеттік мерзімі төрт жылды құрайды.

9. Ереженің 12-1-тармағының төртінші абзацында көрсетілген жағдайды қоспағанда, бір адам тәртіптік комиссияда бір мерзімнен артық бола алмайды.

Ескерту. Республикалық адвокаттар алқасы төралқасының 06.10.2022 ж. шешімімен 9-тармаққа өзгеріс енгізілді.

10. Адвокаттарды - адвокаттар алқаларының басқару органдарының мүшелерін, Республикалық алқаның басқару органдарының мүшелерін тәртіптік жауаптылыққа тартуды, тәртіптік істерді және адвокаттардың тәртіптік комиссиясының шешімдеріне шағымдарды қарауды осы Ережеге сәйкес Тәртіптік комиссия жүзеге асырады.

Ескерту. Республикалық адвокаттар алқасы төралқасының 06.10.2022 ж. шешімімен 10-тармаққа өзгерістер енгізілді.

11. Тәртіптік комиссияның шешімдері міндетті сипатқа ие.

12. Тәртіптік комиссияның төрағасы мен мүшелерін Конференцияға қатысатын адвокаттардың көпшілік даусымен Конференция ашық дауыс беру арқылы сайлайды.

Республикалық адвокаттар алқасы төралқасының 06.10.2022 ж. шешімімен 12-1-тармақпен толықтырылды.

12-1. Конференция Ереженің 13-тармағының талаптарына сәйкес келетін үш адвокатты және қоғамның бір өкілін комиссияның резервтік мүшелері ретінде сайлай алады.

Төралқаның шешімі бойынша осындай шешім қабылданған кезде Ереженің 13-тармағының талаптарына сәйкес келетін резервтегі комиссия мүшесі Комиссияның қолданыстағы мүшесінің өкілеттігі тоқтатылған не

оны Ереженің 17-тармағында баяндалған негіздер бойынша резервке ауыстырған жағдайда өз міндеттерін орындауға кіріседі.

Резервтен міндеттерді орындауға кіріскен Комиссия мүшесінің өкілеттік мерзімі Төралқаның тиісті шешімі шыққан күннен басталады.

Комиссия мүшесінің міндеттерін орындауға кіріспеген Комиссия мүшесінің сайланған сәттен бастап төрт жыл ішінде резервте болу мерзімі Комиссия мүшесінің міндеттерін орындау мерзіміне енгізілмейді. Мұндай адамның келесі конференцияларда комиссияның негізгі құрамына немесе резервіне сайлануға құқығы бар.

13. Тәртіптік комиссияның Төрағасы және мүшесі ретінде мына тұлға бола алмайды:

- сотпен әрекетке қабілетсіз немесе әрекет қабілеті шектеулі деп танылған немесе заңда белгіленген тәртіпте өтелмеген немесе есептен алынбаған сотталғандығы бар тұлға;

- қылмыстық жауапкершіліктен Қазақстан Республикасы Қылмыстық-процестік кодексінің 35-бабы бірінші бөлігінің 3),4),9),10) және 12) тармақшаларының немесе 36-бабының негізінде босатылғандар - мұндай оқиғалар басталғаннан кейін үш жыл ішінде;

- мемлекеттік және әскери қызметтен, құқық қорғау, арнаулы мемлекеттік органдардан теріс себептер бойынша жұмыстан шығарылған, сондай-ақ судья лауазымынан босатылған тұлға – жұмыстан шығарылған (босатылған) күннен бастап үш жыл ішінде;

- әкімшілік құқық бұзушылық жасағандар – осындай оқиғалар орын алған сәттен бастап үш жыл ішінде.

- осы Заңның 44-бабы 4-тармағының 1) және 2) тармақшаларында көзделген негіздер бойынша адвокаттық қызметпен айналысуға арналған лицензиядан айырылғандар - сот шешімі заңды күшіне енген күннен бастап үш жыл ішінде;

- теріс себептермен заң кеңес берушілер палатасының тізілімінен шығарылғандар, - шығарылған күнінен бастап үш жыл ішінде.

- **Ереженің 12-1-тармағының төртінші абзацында көрсетілгендерді қоспағанда, бұрын Комиссия мүшесі болған адам.**

Ескерту. Республикалық адвокаттар алқасы төралқасының 06.10.2022 ж. шешімімен 13-тармаққа өзгерістер енгізілді.

14. Төралқа жаңа құрамдағы Тәртіптік комиссия сайлануы тиіс Конференция өткізілгенге дейін уәкілетті органнан Ереженің 13-тармағына сәйкес келетін қоғам өкілдерінен оларды тәртіптік комиссияның құрамына конференция сайлауы үшін **кемінде алты кандидатураны** сұратады.

Ескерту. Республикалық адвокаттар алқасы төралқасының 06.10.2022 ж. шешімімен 14-тармаққа өзгерістер енгізілді.

15. Төралқа жаңа құрамдағы Тәртіптік комиссия сайлануы тиіс Конференция өткізілгенге дейін отставкадағы судьялардың **кемінде төрт кандидатурасын** оларды ұсыну және кейіннен Конференция Тәртіптік комиссияның құрамына сайлау үшін қарайды.

Ескерту. Республикалық адвокаттар алқасы төралқасының 06.10.2022 ж. шешімімен 15-тармаққа өзгерістер енгізілді.

16. *Алынып тасталды - Республикалық адвокаттар алқасы төралқасының 06.10.2022 ж. шешімімен.*

17. Тәртіптік комиссияның төрағасы мен мүшелері Конференция шешімі бойынша қызметінен мерзімінен бұрын босатылуы мүмкін.

Конференциялар арасындағы кезеңде Комиссия мүшесінің өкілеттігі келесі сәттен бастап автоматты түрде тоқтатылады:

- адвокатты аумақтық алқа мүшелерінен шығару;
- адвокаттық қызметпен айналысу құқығына лицензияның қолданылуын тоқтата тұру, одан айыру немесе тоқтату;
- судьяның орнынан түсуін тоқтату немесе судья уақытша болмаған кезеңде оны сот төрелігін іске асыруға тарту.

Конференциялар арасындағы кезеңде Комиссия мүшесі өз қалауы бойынша комиссия мүшесін міндеттерінен босату туралы өтініш берілген жағдайда, Комиссия мүшесі Төралқаның шешімі бойынша комиссия резервіне ауыстырылады.

Төралқаның шешімі бойынша резервке бұрын ауыстырылған адвокатты комиссия мүшесі қызметінен босату туралы мәселені Конференция қарайды.

Ескерту. Республикалық адвокаттар алқасы төралқасының 06.10.2022 ж. шешімімен 17-тармаққа өзгерістер енгізілді.

3-ТАРАУ. КОМИССИЯНЫҢ ҚЫЗМЕТІН ҰЙЫМДАСТЫРУ

18. Тәртіптік комиссия өз қызметін Тәртіптік комиссия қызметінің ұйымдастырушылық және өзге де мәселелерінің тәртіптік істерін қарау үшін қажеттігіне қарай шақырылатын отырыстар нысанында жүзеге асырады және егер оған оның мүшелерінің жартысынан астамы қатысса, заңды деп есептеледі.

Комиссия отырысы, егер оған оның мүшелерінің жартысынан астамы қатысса, заңды деп есептеледі.

Комиссия отырысы бейне-конференц-байланыс арқылы онлайн-режимде өткізілуі мүмкін.

Ескерту. Республикалық адвокаттар алқасы төралқасының 06.10.2022 ж. шешімімен 18-тармаққа өзгеріс енгізілді.

19. Тәртіптік комиссияның отырысы басталар алдында төраға шешім қабылдау үшін қажетті кворумның болуын айқындайды.

20. Тәртіптік комиссия өз құрамынан Комиссия төрағасының орынбасары мен хатшысын сайлайды. **Қажет болған жағдайда Комиссия төрағасының орынбасары және Комиссия хатшысы қайта сайлануы мүмкін.**

Ескерту. Республикалық адвокаттар алқасы төралқасының 06.10.2022 ж. шешімімен 20-тармаққа өзгеріс енгізілді.

21. *Алынып тасталды - Республикалық адвокаттар алқасы төралқасының 06.10.2022 ж. шешімімен.*

22. Тәртіптік комиссия өз қызметінде заңдылық, тәуелсіздік, алқалылық, объективтілік қағидаттарын басшылыққа алады.

23. Тәртіптік комиссияның төрағасы:

- Тәртіптік комиссияның ағымдағы жұмысын қамтамасыз етеді және ұйымдастырады;

- Тәртіптік комиссияның отырыстарын тағайындайды және өткізеді;

- Тәртіптік комиссияның өкімдеріне, шешімдеріне, хаттамаларына/отырыстарының қысқаша хаттамаларына және есептеріне, тәртіптік практиканы қорытуға, сондай-ақ Комиссия қызметіне байланысты басқа да құжаттарға қол қояды;

- іс жүргізуді ұйымдастырады, тәртіптік істердің және Тәртіптік комиссияның басқа да құжаттамаларының тиісті түрде сақталуын қамтамасыз етеді;

- тәртіптік практиканы жалпылауды ұйымдастырады және дайындайды;

- Алқаның интернет-ресурсында орналастыру үшін Тәртіптік комиссия жұмысының нәтижелері туралы ақпарат дайындайды;

- Алқа органдарында, басқа да мекемелер мен ұйымдарда Тәртіптік комиссияны білдіреді.

24. Тәртіптік комиссияның төрағасы Конференцияға Тәртіптік комиссия қызметінің қорытындылары туралы есеп береді.

25. Тәртіптік комиссияның төрағасы Комиссия жұмысы туралы есепті Конференция өткізілгенге дейін күнтізбелік он бес күннен кешіктірмей Алқа төралқасына ұсынады.

26. Тәртіптік комиссияның төрағасы болмаған жағдайда, оның өкілеттігі орынбасарға жүктеледі.

Ескерту. Республикалық адвокаттар алқасы төралқасының 06.10.2022 ж. шешімімен 26-тармаққа өзгеріс енгізілді.

27. Тәртіптік комиссияның төрағасы мен мүшелері:

- өз өкілеттігін адал және орынды жүзеге асыруға, объективтілік және бейтараптық танытуға;

- қозғалған тәртіптік істерді қарау кезінде Комиссия отырыстарына жеке қатысуға;

- Тәртіптік комиссияның шешімдеріне қол қоюға;

- адвокаттық құпияны сақтау, соның ішінде оны санкцияланбаған қол жеткізуден қорғау үшін қажетті шараларды қабылдауға;

- адвокаттық және заңмен қорғалатын өзге де құпияны құрайтын мәліметтерді, сондай-ақ тәртіптік істердің материалдарын, тәртіптік іс жүргізуге қатысушылардың жеке басы туралы деректерді және Тәртіптік комиссияға қатысуға байланысты өздеріне белгілі болған басқа да мәліметтерді үшінші тұлғаларға жария етпеуге, бұл туралы Комиссия мүшелері жазбаша міндеттеме беруге міндетті;

Тәртіптік комиссияға қатысуға байланысты Комиссия мүшелеріне белгілі болған мәліметтерді жария етуге Тәртіптік комиссияның шешімдеріне, Комиссия мүшелерінің Тәртіптік комиссия мүшесі міндеттерін атқаруы кезіндегі әрекеттеріне (әрекетсіздігіне) шағым жасалған жағдайда ғана және өз құқықтарын қорғау үшін қажетті көлемде ғана жол беріледі.

Тәртіптік практиканы қорыту, Тәртіптік комиссияның қызметі туралы есептер, Комиссия жұмысының нәтижелері туралы ақпарат тәртіптік іс жүргізу қатысушыларының жеке деректері міндетті түрде болмаған жағдайда, Комиссияға қатысуына байланысты белгілі болған мәліметтерді жария ету болып саналмайды;

- Қазақстан Республикасының қолданыстағы заңнамасының, осы Ереженің, Алқа жарғысының, Конференциясының, Республикалық адвокаттар алқасы конференциясының шешімдерінің талаптарын сақтауға міндетті;

- Конференциясы алдында өз қызметінің қорытындылары туралы есеп беруге міндетті.

Ескерту. Республикалық адвокаттар алқасы төралқасының 06.10.2022 ж. шешімімен 27-тармаққа өзгеріс енгізілді.

27-1. Тәртіптік комиссияның хатшысы:

- Тәртіптік комиссия отырыстарының хаттамаларын/қысқаша хаттамаларын дайындайды;

- Тәртіптік комиссия отырыстарының хаттамаларына/қысқаша хаттамаларына қол қояды;

- Комиссия жазба жүргізу туралы шешім қабылдаған жағдайларда Тәртіптік комиссия отырыстарының аудио-бейнежазбаларын жүргізуді қамтамасыз етеді;

- Тәртіптік комиссия отырысының күні туралы тараптардың, тәртіптік іс жүргізуге қатысатын тұлғалардың хабардар етілуін бақылайды;

- Тәртіптік комиссия төрағасының тапсырмасы бойынша Комиссия қызметіне байланысты өзге де құжаттар мен мәліметтерді дайындайды.

Ескерту. Республикалық адвокаттар алқасы төралқасының 06.10.2022 ж. шешімімен 27-тармаққа өзгеріс енгізілді.

28. Тәртіптік комиссияның төрағасы мен мүшелері өздеріне жүктелген міндеттердің орындалуына, сондай-ақ өздеріне берілген құқықтардың пайдаланылуына жеке жауапты болады.

29. Тәртіптік комиссияның шешімі Комиссия мүшелерінің көпшілік даусымен ашық дауыс беру арқылы қабылданады және олар қабылданған күннен бастап күшіне енеді.

Ескерту. Республикалық адвокаттар алқасы төралқасының 06.10.2022 ж. шешімімен 29-тармаққа өзгеріс енгізілді.

30. Қабылданған шешіммен келіспеген Тәртіптік комиссияның мүшесі ерекше пікірін жазбаша білдіруге құқылы, бұл туралы Комиссия отырысының хаттамасында/қысқаша хаттамасында белгі жасалады. Ерекше пікірдің мәтіні Комиссия отырысының хаттамасына қоса беріледі.

Ескерту. Республикалық адвокаттар алқасы төралқасының 06.10.2022 ж. шешімімен 30-тармаққа өзгеріс енгізілді.

31. Тәртіптік комиссияның отырыстары және оларда қабылданған шешімдер хаттамамен/ қысқаша хаттамамен ресімделеді, онда:

- отырысты өткізудің реттік нөмірі, орны және күні;
- Комиссия отырысына қатысатын тұлғалар;
- Комиссия отырысында қаралған әр тәртіптік істің, шағым жасалған шешімнің мазмұны/қысқаша мазмұны және елеулі мән-жайлары;
- Тәртіптік комиссияның отырысына қатысатын тұлғалардың түсіндірмелері;
- дауыс беру қорытындылары және қабылданған шешімдер.

32. Тәртіптік комиссияның отырыстары барысында аудиожазба жүргізіледі. Тәртіптік комиссия мүшелері көпшілігінің шешімі бойынша, соның ішінде тәртіптік іс жүргізуге қатысушылардың өтінішхаты бойынша отырыста бейнежазба жүргізілуі мүмкін.

Аудио-бейнежазба Тәртіптік комиссия отырысының хаттамасына/қысқаша хаттамасына қоса тіркеледі.

Тәртіптік комиссия өзінің отырысында көпшілік дауыспен өз бетінше немесе тәртіптік іс жүргізуге қатысушылардың өтініші бойынша отырысты толық немесе ішінара ашық режимде өткізу туралы шешім қабылдауға құқылы.

Комиссия отырысын кез келген бейнежазбаға, сондай-ақ кез келген тәсілмен трансляциялауға отырысқа төрағалық етуші тұлғаның рұқсатымен ғана жол беріледі.

33. Отырыстардың хаттамаларына/қысқаша хаттамаларына Тәртіптік комиссияның Төрағасы мен хатшысы қол қояды, хаттамалардың/қысқаша хаттамалардың тізіліміне тігіледі, ол Тәртіптік комиссияның істерінде сақталады.

4-ТАРАУ. ТӘРТІПТІК ІСТІ ЖӘНЕ ШАҒЫМДЫ ҚАРАУ

34. Адвокаттардың тәртіптік комиссиясының шешімдеріне шағымдар бойынша тәртіптік іс жүргізу осы Ережеге сәйкес жүзеге асырылады.

35. Адвокаттарға – адвокаттар алқаларының басқару органдарының мүшелеріне, республикалық алқаның басқару органдарының мүшелеріне қатысты тәртіптік іс адвокаттардың тәртіптік комиссиясы туралы Ережеге сәйкес қаралады.

36. Адвокаттар алқаларының басқару органдарының мүшелерін, Республикалық алқаның басқару органдарының мүшелерін тәртіптік жауаптылыққа тарту адвокаттық қызмет туралы Заңның 72-бабында белгіленген қағидалар бойынша жүргізіледі.

37. Адвокатураның тәртіптік комиссиясы адвокаттар алқаларының басқару органдарының мүшелеріне, Республикалық алқаның басқару органдарының мүшелеріне мынадай тәртіптік жаза шараларын қолдануға құқылы:

- 1) ескерту;
- 2) сөгіс;
- 3) қатаң сөгіс.

38. Заңның 60-бабына сәйкес адвокатты алқа мүшелерінен шығару туралы тәртіптік комиссияның шешімін аумақтық адвокаттар алқасының төралқасы бір ай мерзімде орындауға міндетті. Бұл ретте Адвокаттар алқасы төралқасының шешімінде Тәртіптік комиссияның тиісті шешіміне нұсқау болуы тиіс. Мұндай адвокатқа қатысты тәртіптік іс қайта қозғалмайды.

Адвокаттар алқасының төралқасы тиісті шешім қабылдаған күннен бастап тұлға адвокаттар алқасынан шығарылған болып есептеледі.

Ескерту. Республикалық адвокаттар алқасы төралқасының 06.10.2022 ж. шешімімен 38-тармаққа өзгеріс енгізілді.

39. Адвокатқа адвокаттар алқасы төралқасы қаулысының көшірмесі тапсырылған күннен бастап Адвокаттар алқасының мүшесін алқадан шығару туралы шешіміне бір ай мерзімде сотқа шағым жасалуы мүмкін.

40. Алынып тасталды - Республикалық адвокаттар алқасы төралқасының 06.10.2022 ж. шешімімен.

41. Тәртіптік комиссия адвокаттардың Тәртіптік комиссиясының шешіміне, әрекетіне (әрекетсіздігіне) шағымды қарау нәтижелері бойынша:

- 1) шағымды қанағаттандырусыз, ал адвокаттардың тәртіптік комиссиясының шешімін өзгеріссіз қалдыруға;
- 2) адвокаттардың тәртіптік комиссиясының шешімін өзгертуге;
- 3) адвокаттардың тәртіптік комиссиясының шешімінің күшін жою және жаңа шешім қабылдауға;
- 4) істі тиісті адвокаттардың тәртіптік комиссиясына жаңа қарауға жіберу және адвокаттардың тәртіптік комиссиясын белгілі бір әрекеттерді жасауға міндеттеуге құқылы.

42. Адвокаттар алқасының тәртіптік комиссиясының шешімі толығымен не оның бөлігінде өзгерген немесе күшін жойған кезде тәртіптік комиссия істі жаңа қарауға бермей, жаңа шешім шығарады.

Ескерту. Республикалық адвокаттар алқасы төралқасының 06.10.2022 ж. шешімімен 42-тармаққа өзгерістер енгізілді.

43. Алынып тасталды - Республикалық адвокаттар алқасы төралқасының 07.09.2021 ж. шешімімен.

44. Адвокаттардың тәртіптік комиссиясының тек ресми себептер бойынша дұрыс шешімінің күшін жою мүмкін емес.

Ескерту. Республикалық адвокаттар алқасы төралқасының 06.10.2022 ж. шешімімен 44-тармаққа өзгерістер енгізілді.

45. Адвокаттардың тәртіптік комиссиясының шешімі жойылған және істі жаңа қарауға жіберген кезде тәртіптік комиссия, адвокаттардың тәртіптік комиссиясын белгілі бір іс-әрекеттер жасауға міндеттей отырып, белгілі бір дәлелдемелердің дұрыстығы немесе бұрыстығы туралы, кейбір дәлелдемелердің басқалардан артықшылығы туралы, материалдық құқықтың

қандай нормасы қолданылуы тиіс екендігі туралы мәселелерді алдын ала шешуге және тәртіптік істі жаңа қарау кезінде шығарылатын шешім туралы сөз қозғауына құқылы емес.

46. Тәртіптік комиссияның адвокаттар алқасының тәртіптік комиссиясының шешімінде көрсетілмеген не ол жоққа шығармаған мән-жайларды белгілеуге немесе дәлелденген деп санауға құқығы жоқ.

47. Адвокаттар алқаларының басқару органдарының мүшелеріне, республикалық алқаның басқару органдарының мүшелеріне қатысты тәртіптік іс қозғау үшін келесі жағдайлар **себеп** бола алады:

1) адвокат өкілі (қорғаушысы) болатын сот талқылауы бойынша заңды күшіне енген сот актісі (жеке қаулы/ соттың ұйғарымы) (бұдан әрі мәтін бойынша – сот актісі);

2) әділет органының ұсынуы;

3) республикалық алқа төралқасының шешімі негізінде шығарылған Республикалық алқа төрағасының ұсынысы.

Тәртіптік іс қозғау үшін рұқсат етілген себептер мыналар болып табылмайды:

- осы Ережеде көрсетілмеген адамдардың, органдар мен ұйымдардың шағымдары, өтініштері, ұсынымдары, қаулылары;

- адвокаттар алқаларының басқару органдары мүшелерінің, Республикалық алқаның басқару органдары мүшелерінің адвокаттық қызметті жүзеге асыруына байланысты емес, олардың әрекеттеріне (әрекетсіздігіне) негізделген адамдардың, органдар мен ұйымдардың шағымдары, өтініштері, ұсынымдары, қаулылары.

Ескерту. Республикалық адвокаттар алқасы төралқасының 06.10.2022 ж. шешімімен 47-тармаққа өзгерістер енгізілді.

48. Адвокаттың заң талаптарын, Қазақстан Республикасының Адвокаттық қызмет және заң көмегі туралы заңнамасын, адвокаттардың кәсіби әдеп кодексін, алқа жарғысын, Республикалық алқа органдары мен адвокаттар алқаларының шешімдерін бұзғанын көрсететін жеткілікті деректердің болуы тәртіптік іс жүргізуді қозғау үшін негіз болып табылады.

49. Тәртіптік комиссияның шешімі сотта даулануы мүмкін.

50. Тәртіптік комиссия жұмысының нәтижелері республикалық алқаның интернет-ресурсында орналастырылады.

51. Уәкілетті органның ұсынымдары, егер олар жазбаша нысанда берілсе және оларда көрсетілсе, тәртіптік іс қозғау үшін жол берілетін **себеп** деп танылады:

1) Олар жіберілген комиссияның атауы;

2) әділет органының атауы мен орналасқан жері, лауазымы, сондай-ақ ұсыным жіберген лауазымды адамның тегі, аты, әкесінің аты;

3) өзіне қатысты тәртіптік іс қозғау туралы мәселе қойылған адвокаттың Тегі, Аты, Әкесінің аты (ол болған кезде);

4) адвокаттың кәсіби міндеттерін бұзғаны көрсетілген әрекеттері (әрекетсіздігі);

- 5) ұсыныммен жүгінген адам өз талаптарын негіздейтін мән-жайлар және осы мән-жайларды растайтын дәлелдемелер;
- 6) ұсынуға қоса берілетін құжаттардың тізбесі;
- 7) ұсыным берілген күн және ұсыным жіберген лауазымды адамның қолы.

Ескерту. Республикалық адвокаттар алқасы төралқасының 06.10.2022 ж. шешімімен 51-тармаққа өзгеріс енгізілді.

52. Тәртіптік комиссияның адвокаттар алқасының шешімдеріне шағымдар жазбаша нысанда беріледі және мынадай ақпаратты қамтуға тиіс:

1) шағым беретін жеке тұлғаның тегі, аты, әкесінің аты (бар болса), пошталық мекенжайы не заңды тұлғаның атауы, пошталық мекенжайы, бизнес-сәйкестендіру нөмірі (бар болса);

2) шағымданатын шешім және осы шешімді шығарған адвокаттар алқасының тәртіптік комиссиясының атауы;

3) шешімнің заңсыздығы немесе негізсіздігі неде екенін көрсету;

4) шағымданатын шешімнің заңдылығын қай бөлігінде тексеру керектігін және **шағым берген тұлға қандай өзгерістер енгізуді талап ететінін көрсету;**

5) шағымға қоса берілетін құжаттардың тізбесі;

6) шағым берілген күн және шағым берген адамның қолы.

Ескерту. Республикалық адвокаттар алқасы төралқасының 06.10.2022 ж. шешімімен 52-тармаққа өзгеріс енгізілді.

Республикалық адвокаттар алқасы төралқасының 06.10.2022 ж. шешіміне сәйкес 52-1 және 52-2-тармақтармен толықтырылды.

52-1. Өкіл қол қойған ұсынысқа, шағымға, егер тәртіптік істе мұндай құжат болмаса, сенімхат немесе өкілдің өкілеттігін куәландыратын өзге құжат қоса берілуі тиіс.

52-2. Сот актісі, республикалық алқаға ұсыным немесе шағым түскен кезде көрсетілген құжаттар тәртіптік комиссияның төрағасына жіберіледі. Бұл ретте, егер өтініш адвокаттар алқаларының басқару органдарының мүшелеріне, республикалық алқаның басқару органдарының мүшелеріне қатысты жіберілмеген жағдайда, сондай-ақ өтініш адвокаттардың тәртіптік комиссиясының шешіміне шағым болып табылмаған жағдайда, Республикалық алқа оларды қараудан бас тартуға құқылы.

Көрсетілген құжаттарға ілеспе материалдар немесе олардың көшірмелері қоса беріледі, олар қолма-қол алқаға не мына электрондық мекенжайға жіберіледі: office@advokatura.kz.

53. Тәртіптік комиссияның төрағасы сот актісін, адвокаттар алқалары басқару органдары мүшелерінің, республикалық алқаның басқару органдары мүшелерінің әрекеттеріне (әрекетсіздігіне) ұсынуды немесе шағымды алғаннан кейін шағымдар мен ұсынымдардың Ереженің 51, 52 және 52-1-тармақтарында көрсетілген талаптарға сәйкестігі мәселесін қарайды.

Көрсетілген құжаттарды немесе олардың көшірмелерін, соның ішінде электронды құжаттарды алған күннен бастап бес жұмыс күнінен кешіктірмей Комиссия төрағасы өз өкімімен мынадай шешімдердің бірін қабылдайды:

- тәртіптік іс қозғауға және Комиссия мүшесіне келіп түскен сот актісінің негізділігін тексеруді, тексеру нәтижелері бойынша жазбаша қорытынды дайындай отырып, ұсынуды немесе шағымды жүргізуді тапсыруға;

- тәртіптік іс қозғаудан бас тарту және қабылданған шешімнің негіздерін көрсете отырып, өтініш білдірген адамға құжаттарды қайтару.

Ескерту. Республикалық адвокаттар алқасы төралқасының 06.10.2022 ж. шешімімен 53-тармаққа өзгерістер енгізілді.

54. Тәртіптік комиссияға адвокаттар алқасының тәртіптік комиссиясының шешіміне шағым түскен жағдайда Комиссия төрағасы шағымды алған күннен бастап бес жұмыс күнінен кешіктірмей өзінің өкімімен мынадай шешімдердің бірін қабылдайды:

- шағымды қарау туралы тәртіптік іс қозғауға және Комиссия мүшесіне тексеру нәтижелері бойынша жазбаша қорытынды дайындай отырып, шағымның негізділігін тексеруді тапсыруға;

- шағымды қарау туралы тәртіптік іс қозғаудан бас тартуға және қабылданған шешімнің негіздерін көрсете отырып, өтініш білдірген адамға құжаттарды қайтаруға міндетті.

Ескерту. Республикалық адвокаттар алқасы төралқасының 06.10.2022 ж. шешімімен 54-тармаққа өзгерістер енгізілді.

55. Бір адвокатқа қатысты бірнеше өтініш келіп түскен кезде Тәртіптік комиссияның төрағасы олар бойынша бір тәртіптік іс қозғауға құқылы.

56. Тәртіптік комиссияның төрағасы бір адвокатқа қатысты қозғалған бірнеше тәртіптік істерді біреуіне біріктіруге құқылы.

57. *Алынып тасталды - Республикалық адвокаттар алқасы төралқасының 06.10.2021 ж. шешімімен.*

58. Анонимді өтініштер қарастырылмайды.

59. Тәртіптік іс қозғауға болмайды, ал қозғалған іс тоқтатылуға тиіс, егер:

- 1) тәртіптік іс жөніндегі комиссияның сол қатысушылармен сол пән және негіз бойынша шешімі бар;

- 2) комиссияның осы Ережеде көзделген негіздердің бірі бойынша тәртіптік істі тоқтату туралы шешімі бар;

- 3) тәртіптік жауапкершілік шараларын қолдану мерзімдері өтіп кеткен болса.

60. Шағым оны берген адамға келесі жағдайларда қайтарылады:

- 1) шағым берген адамның өтініштері болса;

- 2) Егер шағымды оны беруге немесе қол қоюға құқығы жоқ адам берсе;

- 3) Ережеде көзделген өзге де жағдайларда.

Ескерту. Республикалық адвокаттар алқасы төралқасының 06.10.2022 ж. шешімімен 60-тармаққа өзгеріс енгізілді.

61. Тәртіптік іс жүргізудің сол бір қатысушылары арасында бір пән мен негіздер бойынша тәртіптік істі қайта қозғауға жол берілмейді.

62. Адвокаттардың тәртіптік комиссиясының шешімдеріне шағым бойынша тәртіптік іс не тәртіптік іс қозғалған соң, тәртіптік комиссияға жүгінген адамдар, органдар мен ұйымдар, **өзіне қатысты іс қозғалатын адвокат**, сондай-ақ олардың өкілдері тәртіптік талқылауға қатысушылар деп танылады. Бұл туралы аталған адамдарды Комиссия төрағасы, оның хатшысы не Республикалық алқа қызметкері хабардар етеді.

Ескерту. Республикалық адвокаттар алқасы төралқасының 06.10.2022 ж. шешімімен 62-тармаққа өзгеріс енгізілді.

63. Өзіне қатысты тәртіптік талқылау жүргізілетін Адвокат сот актісінің, ұсынымдардың, шағымдардың мазмұнымен танысуға, олардың көшірмелерін алуға құқылы.

64. Өзіне қатысты тәртіптік талқылау жүргізілетін Адвокат **Комиссияға не оның мүшелеріне** тәртіптік іс қозғауға негіз болған **оның әрекеттеріне (әрекетсіздігіне)** қатысты өзінің жазбаша түсіндірмелерін беруге міндетті.

Ескерту. Республикалық адвокаттар алқасы төралқасының 06.10.2022 ж. шешімімен 64-тармаққа өзгеріс енгізілді.

65. Өзіне қатысты тәртіптік талқылау жүргізілетін адвокат өзіне қарсы қозғалған тәртіптік іс бойынша қорғаудың өз ұстанымын негіздеу үшін адвокат ақылға қонымды қажет деп санайтын көлемде мәліметтер беруге міндетті.

66. Адвокат адвокаттың құпиясына сілтеме жасай отырып, мәліметтерді беруден жазбаша түрде бас тартуға құқылы. Мұндай жағдайда тәртіптік комиссия тәртіптік іс жүргізуге қатысушылар ұсынған дәлелдемелер бойынша шешім қабылдайды.

Ескерту. Республикалық адвокаттар алқасы төралқасының 06.10.2022 ж. шешімімен.

67. *Алынып тасталды - Республикалық адвокаттар алқасы төралқасының 06.10.2021 ж. шешімімен 66-тармаққа өзгеріс енгізілді.*

68. Тәртіптік талқылаудың әрбір қатысушысы өзінің дәлелдері мен қарсылықтарының негізі ретінде сілтеме жасайтын мән-жайларды дәлелдеуге, қорғау құралдарын пайдалануға, фактілерді бекітуге, даулауға, осы Ережеде белгіленген мерзімдерде дәлелдемелер мен дәлелдемелерге қарсы қарсылықтар келтіруге тиіс, олар тәртіптік талқылауды адал жүргізуге сәйкес келеді және істің нақты мән-жайларын анықтауға жәрдемдесуге бағытталған.

69. Өзіне қатысты тәртіптік іс қозғалған адвокаттың тәртіптік іс жүргізуге қатысушылармен татуласу жөнінде шаралар қолдануға құқығы бар.

5-ТАРАУ. ТӘРТІПТІК ТАЛҚЫЛАУ ТӘРТІБІ

70. Тәртіптік комиссияның Сот актісінің, ұсынымдардың, шағымдардың шегінен шығуға құқығы жоқ және нақты мән-жайларды ескере отырып, адвокат пен жүгінген адамды татуластыру шараларын қолдана алады.

71. Тәртіптік талқылауға қатысушылардың нысанасын және (немесе) негіздерін, ұсынымдарын, шағымдарын өзгертуге жол берілмейді.

72. Комиссияда тәртіптік талқылау сол талаптар шегінде және сот актісінде, ұсынымдарда, шағымдарда баяндалған негіздер бойынша тәртіптік талқылауға қатысушылардың бәсекелестігі мен теңдігі қағидаттары негізінде ауызша жүзеге асырылады.

Ескерту. Республикалық адвокаттар алқасы төралқасының 06.10.2022 ж. шешімімен 72-тармаққа өзгерістер енгізілді.

73. Шағымдар бойынша тәртіптік істерді және тәртіптік іс жүргізуді қарау тәртіптік талқылау басталған күннен бастап екі ай ішінде аяқталуы тиіс.

74. Тәртіптік талқылаудың басталуы тәртіптік іс қозғалған немесе адвокаттар алқасының тәртіптік комиссиясының шешіміне шағым бойынша тәртіптік іс қозғалған күн болып табылады.

75. Тәртіптік талқылауға қатысушылар тәртіптік талқылаудың өткізілетін орны мен уақыты туралы алдын ала хабардар етіледі.

76. Тәртіптік талқылауға қатысушылардың ешқайсысының дәлелді себепсіз келмеуі тәртіптік талқылауды кейінге қалдыру үшін негіз болып табылмайды.

Бұл жағдайда Комиссия қолда бар материалдар бойынша тәртіптік талқылау жүргізеді және отырысқа келген тәртіптік талқылауға қатысушыларды тыңдайды.

77. Қарау басталар алдында тәртіптік талқылаудың барлық қатысушыларына тәртіптік іс жүргізуге қатысушылардың жеке өмірінің құпиясын құрайтын мәліметтерді, сондай-ақ адвокаттық және заңмен қорғалатын өзге де құпияны жария етуге жол берілмейтіндігі туралы және оларға тәртіптік іс жүргізу барысында белгілі болған мәліметтерді қорғау туралы ескертіледі.

Ескерту. Республикалық адвокаттар алқасы төралқасының 06.10.2022 ж. шешімімен 77-тармаққа өзгерістер енгізілді.

78. Тәртіптік талқылауға қатысушыларға өз дәлелдерін баяндауға, адвокатқа қатысты ұсынылатын тәртіптік жауапкершілік шараларының мәні бойынша сөйлеуге тең құқықтар беріледі.

Ескерту. Республикалық адвокаттар алқасы төралқасының 06.10.2022 ж. шешімімен 78-тармаққа өзгеріс енгізілді.

79. Тәртіптік талқылауға қатысушылар Комиссияға ұсынғысы келетін жазбаша дәлелдемелер мен құжаттар тәртіптік комиссияның отырысы басталғанға дейін үш жұмыс күнінен кешіктірілмей берілуге тиіс.

80. Тәртіптік талқылауға қатысушылар, егер оларды алдын ала ұсыну мүмкін еместігі негізделсе, қосымша материалдарды тікелей тәртіптік комиссияның отырысында қарауға ұсына алады. Бұл жағдайда комиссия тәртіптік талқылауға қатысушылардың өтінішхаты бойынша жаңадан ұсынылған материалдармен танысу үшін қажетті уақытты ұсынады.

Ескерту. Республикалық адвокаттар алқасы төралқасының 06.10.2022 ж. шешімімен 80-тармаққа өзгеріс енгізілді.

81. *Алынып тасталды - Республикалық адвокаттар алқасы төралқасының 06.10.2021 ж. шешімімен.*

82. Тәртіптік талқылауға қатысушылардың құқығы бар:

1) тәртіптік іс жүргізудің барлық материалдарымен танысуға;

2) Комиссия отырысына жеке өзі және (немесе) өкіл арқылы, **оның ішінде аудио-немесе бейне - конференц-байланыс арқылы онлайн-режимде** қатысуға;

3) ауызша және жазбаша түсініктемелер беруге, дәлелдемелер беруге;

4) Комиссия отырысының хаттамасымен/қысқаша хаттамасымен олардың тәртіптік ісін қарауға қатысты бөлігінде танысуға міндетті.

Ескерту. Республикалық адвокаттар алқасы төралқасының 06.10.2022 ж. шешімімен 82-тармаққа өзгерістер енгізілді.

83. Тәртіптік іс жүргізуге қатысушылардың өтінішхаты бойынша не өз бастамасы бойынша Комиссия тәртіптік істі объективті қарау үшін қажетті қосымша мәліметтер мен құжаттарды сұратуға құқылы.

84. Тәртіптік комиссияның отырысын **оның төрағасы не оның орынбасары** жүргізеді.

Ескерту. Республикалық адвокаттар алқасы төралқасының 06.10.2022 ж. шешімімен 84-тармаққа өзгерістер енгізілді.

85. **Комиссия отырысын өткізу барысында** тәртіп бұзушылар қатысудан шеттетілуі мүмкін, бұл туралы отырыс хаттамасына жазба жасалады.

Ескерту. Республикалық адвокаттар алқасы төралқасының 06.10.2022 ж. шешімімен 85-тармаққа өзгерістер енгізілді.

86. Тәртіптік комиссия шешімінің қарар бөлігі тәртіптік талқылауға қатысушыларға істі **сол отырыста қарау** аяқталғаннан кейін тікелей жарияланады.

Күрделі тәртіптік істер қаралған жағдайда (қатысушылар саны, құжаттар, мамандардың, куәгерлердің қатысуымен) тәртіптік комиссия шешімнің жарияланған күнін тәртіптік істі қарау аяқталған күннен кейінгі келесі жұмыс күніне ауыстыруға құқылы.

Ескерту. Республикалық адвокаттар алқасы төралқасының 06.10.2022 ж. шешімімен 86-тармаққа өзгеріс енгізілді.

87. **Республикалық алқа аппараты** тәртіптік комиссия шешім қабылдағаннан кейін үш жұмыс күні ішінде әрбір тәртіптік іс бойынша қол қойылған шешімді **не Комиссия отырысының тиісті хаттамасынан/қысқаша хаттамасынан үзінді көшірмені немесе олардың көшірмелерін тиісті адвокаттар алқасының төралқасына жібереді.**

Ескерту. Республикалық адвокаттар алқасы төралқасының 06.10.2022 ж. шешімімен 87-тармаққа өзгерістер енгізілді.

88. Адвокаттар алқасы тәртіптік іс бойынша **қол қойылған шешімді не Комиссия отырысының тиісті хаттамасынан/қысқаша хаттамасынан үзінді көшірмені немесе олардың көшірмесін алған күннен бастап екі жұмыс күні ішінде өзіне қатысты талқылау жүргізілген адвокатқа, сондай-ақ шағым, ұсыныс жіберген адамға, комиссия шешім қабылдаған сот актісін жіберген сотқа алынған құжаттың көшірмесін оны алғанын тіркеуді қамтамасыз ететін байланыс құралдарын пайдалана отырып жібереді.**

Ескерту. Республикалық адвокаттар алқасы төралқасының 06.10.2022 ж. шешімімен 88-тармаққа өзгеріс енгізілді.

89. Тәртіптік комиссия тәртіптік іс бойынша мынадай шешім қабылдауға құқылы:

1) Қазақстан Республикасы заңнамасының, кәсіптік әдеп кодексінің, алқа жарғысының және оның органдарының шешімдерінің талаптарын бұзбау салдарынан не егер іс жүзіндегі іс-әрекеттер (әрекетсіздік) болса, тексеру **жүргізген** комиссия мүшесінің қорытындысы негізінде Клиент немесе алқа алдында өзінің міндеттерін тиісінше орындауы салдарынан немесе осы қорытындыға қайшы келсе, адамға қатысты тәртіптік істі тоқтату туралы Комиссия мүшесінің мән-жайлары дұрыс анықталған, бірақ адамның іс-әрекетін құқықтық бағалауда немесе заңнама мен осы Ережені түсіндіруде қате жіберілген;

2) Сол қатысушылармен тәртіптік іс жөніндегі комиссияның бұрын болған шешімі салдарынан, сол пән мен негіз бойынша тәртіптік істі тоқтату туралы;

3) **шағымды**, сот актісін кері қайтарып алу немесе тәртіптік іс жүргізуге қатысушыларды **ұсыну** не татуластыру салдарынан тәртіптік істі тоқтату туралы;

4) тәртіптік істі қарау барысында анықталған тәртіптік жауаптылық шараларын қолдану мерзімдерінің өтуі салдарынан тәртіптік істі тоқтату туралы;

5) адам жасаған теріс қылықтың шамалы болуы салдарынан оған жол берілген бұзушылықты көрсете отырып, тәртіптік істі тоқтату туралы;

6) комиссияның тәртіптік істі қарау барысында анықталған тәртіптік іс жүргізуді қозғауға жол берілетін себеп болмауы салдарынан тәртіптік іс жүргізуді тоқтату туралы;

7) адамның әрекеттерінде (әрекетсіздігінде) Қазақстан Республикасы заңнамасының, кәсіптік әдеп кодексінің, алқа Жарғысының және оның органдары шешімдерінің талаптарын бұзушылықтың болуы туралы, адвокаттың клиент немесе алқа алдындағы өз міндеттерін орындамауы немесе тиісінше орындамауы туралы және адамға осы Ережеде көзделген тәртіптік жауаптылық шараларын қолдану туралы;

8) қарау азаматтық, қылмыстық, әкімшілік сот ісін жүргізу шеңберінде **соттың**, өзге де уәкілетті органдардың **құзыретіне жататын** құқық туралы даудың болуына байланысты тәртіптік істі тоқтату туралы және дауды шешу үшін өтініш берушіге сотқа, өзге де уәкілетті органдарға жүгіну туралы ұсынымға байланысты жүзеге асырылады.

Ескерту. Республикалық адвокаттар алқасы төралқасының 06.10.2022 ж. шешімімен 89-тармаққа өзгеріс енгізілді.

90. Тәртіптік комиссия тәртіптік талқылауға қатысушының өтініші бойынша жаңа және (немесе) жаңадан ашылған мән-жайлар болған кезде адвокатқа тәртіптік жауаптылық шараларын қолдану туралы шешімінің күшін жоюға не оны өзгертуге құқылы.

Жаңа және (немесе) жаңадан ашылған мән-жайлар деп Қазақстан Республикасының Азаматтық іс жүргізу кодексінде осындай ретінде көрсетілген мән-жайлар ұйғарылады.

91. Егер өзіне қатысты тәртіптік іс қозғалған тәртіптік талқылауға қатысушы бұған қарсылық білдірсе, осы Ереженің **89-тармағының 4)** тармақшасында көрсетілген негіз бойынша тәртіптік істі тоқтатуға жол берілмейді.

Ескерту. Республикалық адвокаттар алқасы төралқасының 06.10.2022 ж. шешімімен 91-тармаққа өзгеріс енгізілді.

92. *Алынып тасталды - Республикалық адвокаттар алқасы төралқасының 06.10.2021 ж. шешімімен.*

93. Тәртіптік комиссия мынадай жағдайларда тәртіптік талқылауды тоқтата тұруға міндетті:

1) азаматтық, қылмыстық немесе әкімшілік сот ісін жүргізуде қаралатын іс шешілгенге дейін тәртіптік істі не шағым бойынша тәртіптік іс жүргізуді қараудың мүмкін болмаса;

2) тәртіптік талқылауға өкілдердің қатысу жағдайларын қоспағанда, тәртіптік талқылауға қатысушының тәртіптік талқылау мерзімінен асатын қызметтік іссапарда болуы;

3) тәртіптік талқылауға қатысушы медициналық ұйымда олардың өкілдерінің тәртіптік талқылауға қатысу жағдайларын қоспағанда, стационарлық емдеуде болған жағдайда.

Ескерту. Республикалық адвокаттар алқасы төралқасының 06.10.2022 ж. шешімімен 93-тармаққа өзгерістер енгізілді.

94. Тәртіптік талқылау мерзімі тәртіптік талқылауға қатысушылардың жазбаша өтініші бойынша не тәртіптік комиссияның бастамасы бойынша оның тоқтатылуына себеп болған мән-жайлар жойылғанға дейін тоқтатыла тұрады және жойылғаннан кейін қайта басталады, бұл туралы тәртіптік талқылауға қатысушыларға дереу хабарланады.

95. Тәртіптік комиссия адвокаттың өзінің өтініші бойынша **немесе өзі мүшесі болып табылатын** аумақтық алқаның өтінішхаты бойынша бір жыл өткенге дейін тәртіптік жазаны алып тастауға құқылы.

Ескерту. Республикалық адвокаттар алқасы төралқасының 06.10.2022 ж. шешімімен 95-тармаққа өзгеріс енгізілді.

6-ТАРАУ. ҚОРЫТЫНДЫ ЕРЕЖЕЛЕР

96. Тәртіптік істерді тәртіптік комиссия шешім шығарылған күннен бастап бес жыл бойы сақтайды.

97. Көрсетілген мерзім өткеннен кейін тәртіптік іс жүргізу материалдары Төралқа, республикалық алқа аппараты және тәртіптік комиссия өкілдерінің қатысуымен комиссиялық акт бойынша жойылуға тиіс.

98. Шешім қай тәртіптік талқылауға қатысушының пайдасына қарай қабылданып, шағым шешілсе, қолданыстағы заңнамада көзделген тәртіппен

тәртіптік талқылауға қатысуға байланысты келтірілген шығыстарды сол адам өндіріп алуға құқылы.

Ескерту. Республикалық адвокаттар алқасы төралқасының 06.10.2022 ж. шешімімен 98-тармаққа өзгеріс енгізілді.

99. Осы Ережемен регламенттелмеген барлық өзге жағдайларда тәртіптік комиссия Қазақстан Республикасының қолданыстағы заңнамасының нормаларын басшылыққа алады.